




Vuostasj viehke surggobále

Oajvvadásá ma álkkeibun dahki gávnnut soabmása guoran gut surggá.

Surgov ij máhte divvot, valla gá dav juogat de buorebut dav gierddá. Vuodon dán affisja oajvvadásáida li Svieriga girikko guhkaáiggásasj diedo gák ulmutijit surgon duosstu ja doarjju, ja li dássjá muhtema moattet dagos majt mij guorraulmutja máhttep surgulattjaj dahkat. Ale uhtseda binnep dagov, unnep dahko aj máhttá ednagav mierkkít. Jus sidá inep doarjjagav jali soabmásav gejna ságasta de maná tjoaggulvisdåhpásit. Dån gávna aktavuohtheadoijt ja inep duohta oajvvadásájt webbabielen svenskakyrkan.se/forstahjelpenvidsorg



Vássteda aktavuoda ávdås

Gájkín ájnnašamos ihkap la mij ep aktavuoda ávdåsvásstádusáv surgulattjaj bieja. Ep muojon lulu javllat "skuolkasta munji jus la juoga, mån lav dánna" dan diehti gá surgulasj vájbi ij nagá árrót sán gut ietjas gullen dahká. De buorep la jus javllap "Skuolkastav dunji dijštagá vaden, vássteda jus nagá". Muhttijn ij vássteda ja árrus de návti, surgulasj ij agev nagá vásstedit, valla máhttep de vaden ja vaden skuolkkat.



Boarkki sjávodisvuodav

Muhtema dábdđi lássák la guládit guorraulmutij gut surggá. Majt javlav? Javla jus ber sjávvun jali tjerrogohtá? Valla ájnnašamos ij la mejt javllap ájnat vaj mij sjávodisvuodav boarkkip. Ja muhttijn la sms:a buorep tjoavdos telefávns dajna gá álkkebut tjállá ja rádjá.



Vatte sajev

Álos gudi gájka ietjasa aktavuodav ja mujtojt mannijn adni suv avta bále álu surggi. Ájnas la mij adnep surgulattjav guovddelin vaj ep ieh-tjama mujtoj ja dábdoj suv duoppeda. Háhttup mujttet surgulattja dábdojt vuostatjin biedjat, makkára ájn li. Mijá ájádusá ja giehto li diedon aj ájnnaš – valla álla ájnnašabmusa.




Álgada

Buorre l jus mij gudi suv doarjjop sunji árggabargov oajvvadip. Bivddi svarkkaj, gáhttje filmav jali návká váttsatjihhte. Álos gudi li surggamin áhtsáli bårkatjav ja ieme viessomav surgo sinna. Usjudalá sán gev bivddi ihkap vuornnu boahtemis ja dat la dáhkidahtte, ájnnašamos la mij gahtjav – ja mij vat duosstap gahtjat.



Vuosedá lahkavuodav

Álos mijás balli ilá lahka nággít ja álu hájttá dan láhkáj vaj ep ávvá guláda. Soajttá návti mij ussjolip surgulasj dárbađ ráfev adnet jali vuorddep gullumis vehik desik "várámus la vássám". Ájnas la mij tjielggasit vuosedip mij danna gávnnup vaj surgulasj ij aktu, álggolin jali ebdalussjan dábdđu.



Ane gierddisvuodav

Juohkka surgulattjan la ietjas surggobarggo, mav mij vierttip dáđjadit ja gierddat. Máhttá sjaddat návti vaj mij gáhttjalip surgov ierijt jaskadahttet jali vájbbap gá ij suono. Surgon ij la buoremus-ávddála-biejvve ja ij gávnnu vissa ájgge surggat. Muhtem ájádusájt dárbađ gárddodit, ja danen dibde duv guorraulmutjav gárddodit, máhttá árrót ájnas oasse dáđjadittjat ja surgujn bargadit.